



10807

金華詩錄卷五十二

國朝八

凌兆亨

兆亨字履泰蘭谿人未冠兼通五經入郡庠雍正七年以諸生拔萃乾隆元年鄉舉第五二年四年會試兩中明通榜未仕卒

霽後見月

太虛空宿障瞥見月生輝照樹光猶濕移花影尚微今朝愁聽雨明日喜迎暉因悟窮通數隨緣且下帷

郭瑞齡

國朝

金華詩錄

卷五十二

一

瑞齡字孟營金華人寄籍蘭谿其先從蘭谿來遷也乾隆元年鄉舉第八選授嘉善教諭性坦率任天真詩不求工乘興而發述懷詩云雞鳴起梳洗高吟白樂天其宗尚可知也

止酒

老翁今年六十七生平頗有劉伶癖學書學劍兩無成博得寒瓊分半席官卑職散俸無多苜蓿將來換三白晨朝一壺晚千鍾醉倒蒼騰百憂釋家有四男十一孫不耕不讀嬾生息啼飢號寒關我心日日相看費擘畫那知藉酒以銷愁酒結成痂停胸臆恍然自悟酒無功



愁不能銷病來迫因之止酒保我軀慧力銳鋒猛然革
譬若避俗去逃禪又似伏虎化爲石苦茶七椀學盧仝
兩腋生風雙眼碧偶然宴賞共嘉賓願友知心莫相逼
中賢中聖自有入賄勝歡場甘敗北可憐同此郭東山
前後一身如世隔無緣不作醉鄉遊但怕回頭苦海溺
蔣尙英

尙英字明卿金華人少習儒爲諸生好馳馬擊

劔英氣颯爽不屑屑章句雍正七年應武科中

式乾隆元年登進士第歷官贛州都司僉書

明卿

以文習武官武而好文
不廢筆墨詩亦楚楚

金華詩錄 卷五十二

二

落花詩十首 有序錄
四首

公車不第畱滯京邸見有落花詩怛怛然動

于心援筆賦之得十首聊以寓寥落之懷

人情到惜花真花卻無能日見新幾次風雷平地起
頓教紅紫一朝湮千金難挽傾城笑萬載徒憐青塚身
帽影鞭絲傍楊柳及時玩賞莫辭頻

一度東風一度花知心人遠寄天涯三春愁見連枝樹

六月空憐並蒂芽白首有情盟故舊朱顏難得好年華

韶光若爲歸人促陣陣飄來動客嗟

可曾遇過賞花人花落飄成陌上塵客怨重來非昨日

鳥啼歸去喚迷津巫山夢幻朝雲賦南國香銷西子顰
最是不堪回首處畫着人坐獨吟身

翦翦風來快并刀頓教零落亂紅飄數枝碧葉憑相憶
一段香魂不可招墜粉粧樓殘蝶夢斷霞煙渚度虹橋
尋芳恨挂章臺柳減典從前酒幾瓢

趙用熊

用熊字元仲蘭谿人乾隆十年登進士第官戶
部主事以疾歸

南歸作

雄飛雌伏總難知慚愧風塵待老時自是東山高臥慣

國朝

金華詩錄

卷五十二

三

非關北闕上書遲春餘故國花千樹人倚危樓酒一卮
最喜遄歸饒樂趣吟鞭須拂綠楊絲

馮拭袞

拭袞字華友義烏人乾隆五年以例授永州倅
以憂歸改福寧其間署縣七署州署府各四所
至有政聲

容中五月初度

五十今朝是樗才志未酬羊腸嗟道險馬齒惜年流地
遠鄉音改天空雁影畱閉門好學易回望故園愁

都門冬日

滾滾黃塵合濛濛欲雪天小橋流水斷古木舊巢懸囊
澀憐兒瘦家貧仗婦賢何時辦簞笠共住釣魚船

黔中道上

萬壘峯巒列翠屏一經登陟鬢霜生懸巖鳥道杖頭沒
落澗煙雲足底盈苗寨歌聲斷又續

原注苗民男女唱歌音韻悠揚勝于吳調

兵屯

鐙火滅還明

原注張經略平苗後沿途築土城分屯屯兵作防守之計

叢叢荆棘悲前路冷

雨淒風冽行

八塞除夕

年華易去志難灰寒盡三冬暖不回爆竹無聲傳臘去

梅花斷信送春來蘆笙山塞悲飛韻

原注蘆笙有雌雄成對武侯平蠻後所造使苗子聞

國朝

金華詩錄

卷五十二

四

暇吹之免致思亂其聲多悲有敗北乞命之意

銅鼓城樓夜擊哀

原注銅鼓武侯征蠻獲時所造今平蠻後收入官作更鼓用

遙羨星沙諸寮寮

御鑪香惹獻椒杯

許炳宦

炳宦字若梁東陽人貢生

疾風有感

本是清和月胡然風勢驕奔雲同鳥疾飛瓦逐塵飄柳
亦涌成浪松還翻似濤此中有勁草堅節任漂搖

李正馥

正馥字芳遠東陽人性至孝在襁褓母病哺乳

不食及長不離親側父疾臥牀涕唾皆以口吸
周旋左右欲其父不知疾之在體者然以孝行
旌表至今邑中人無不以李孝子相規勉云

客中夜坐

漫點松燈檢客裝清宵獨坐在他鄉淹留自憶家園好
飄泊誰憐驛路長對我驚寒梅倚檻照人無夢月侵牀
隔垣疊奏關山曲增感羈愁斷客腸

杜時芳

時芳字汪千東陽人貢生官武康教諭有梅浦

草堂集

國朝

金華詩錄 卷五十一

五

擬古

萬象多變態化工與揮霍决然轉鴻濛陰陽日紛錯陳
迹渺難尋古人不可作誰歟得圓機但解方心鑿仰看
冥鴻飛逍遙入寥廓

訪田家

春山多佳趣信步來田家門外無車馬谷口有煙霞倦
鳥投林宿日暮聲呀呀主人具雞黍爲我語桑麻禾黍
順時長相望滿篝車衣食既無求何必慕繁華嬉遊太
平世樸質良可嘉

田父吟

遲日暖邱園高隴叫布穀農家事漸忙呼童餉黃犢飛
飛鷺一行野田春雨足荷鋤向南畝瞥見秧針綠東作
須及蚤時失不可贖婦子共辛苦儘餉出茆屋但願屢
豐年田家坐捫腹

蠶婦吟

日午雨初霽桑柘綠成圍攜筐步田塍仰見倉庚飛織
手攀長條那及顧芳菲采采筐已盈綠楊挂斜暉蠶飢
不可忍急向蠶室歸食蠶蠶絲吐遲遲上杼機田家無
遠別不待寄寒衣

數詩不失
儲王風趣

鄭思紱

金華詩錄 卷五十二

國朝

思紱字我朱蘭谿人以諸生拔萃考入三通館

丁母憂歸未幾卒

處子吟

深閨有處子艷質殊娉婷秉性多慧巧十歲能調羹十
一學刺繡十二稱神鍼十三工織紵十四解音聲對鏡
畫雙眉獨坐弄琴箏禮守班姬訓吟高謝傳庭十八已
許字二十婚未成天桃雖過時標梅不能櫻食貧壓金
綫帟布釵是荆依依奉阿母藉藉起時名牽絲已成匹
中雀紛射屏還君明月珠羞作出谷鶯言誓難改十
年守女貞持身堅比玉操心凜如水處士比處子高吟

懷芳馨

鄭思緒

思緒字其皇思紱弟貢生

讀駱臨海集

臨海非常才垂拱稱四傑不特江河流爲文重前哲卽
擬王楊盧亦復有分別慨自唐中衰女后亂宮闕諸武
布腹心乘隙闕帝室一檄震九州綱常恃不滅狐媚亦
驚心何況彼諸孽爲嚴將軍頭爲顏常山舌非是託孤
人而有難奪節挑燈讀殘編神鬼可與質詞烈氣更豪

字字凝碧血

國朝

金華詩錄

卷五十二

七

諸葛第

第字文化蘭谿人

秋雨連宵茆舍盡漏夜起移牀偶作

士賤久作客如風舉鴻毛杜門故高致媿我非其曹行
李老歲月泉石嗤布袍暫來廡下居乃當秋怒號夜雨
如注壑狂飈駭奔濤衾絮冷如鐵屋瓦葢不牢平居歎
涸轍此日無完巢窮達隨所賦大命奚可逃感我孤介
士囊書日夕勞珍之若珙璧餘物同塵囂定計葺故廬
無爲空鬱陶

青浦舟中望雲間諸山

短篷開處見芙蓉雨灑長林墨氣濃
知已漫論前路少好山偏在客途逢
孤舟夜泊潮聲咽尊酒遙看樹影重
對此煙雲思供養幾時身到畫圖中

牧童

折竹爲簫草結衣無腔曲子合清機
半山雨起呼同伴先跨初耕小犢歸

漁父

一葉孤舟繫釣磯柳枝斜挂薜蘿衣
江邊占得閒風味坐看沙禽帖水飛

諸葛儀

國朝

金華詩錄

卷五十二

八

儀字文表蘭谿人乾隆十六年登進士第需次
在籍金華知府楊志道聘掌麗正書院教選授
廣寧令改河陰卒于任

平西凱歌

拔達山前討不庭巨鯨吼浪匿西溟
將軍請得長纓去生縛戎王歸勒銘

宵衣決策自

宸衷萬里沙場指顧通燕領書生應頰首
封疆不與漢時同

干羽能清絕域塵招攜伐叛頌

皇仁

九重且卻于闐貢苜蓿蒲陶未足珍

五載出師非究武百蠻效順懾

神威西戎自此韜兵甲猶恨耕桑遠

帝畿

方壺

壺字仙止蘭谿人少貧不能卒業家塾乃習書
畫歷遊吳越甌閩齊魯燕韓趙魏之間二十餘
年不遂其生平倦而返駕棲遲于括蒼愛其山
川嘉勝頻往來焉因自號萬山中有松窗集

國朝

金華詩錄

卷五十一

九

石門澗

最愛山泉趣潺湲激石壘聲侵樓鳥夢影汎落花魂轉
峽流虛閣穿林到近邨我來看不厭歸路月黃昏

送春

春好惜難留傷情獨上樓千山空作障一水與俱流苦
雨落花徑銷魂去客舟那堪吹玉盞并入故鄉愁

過漁翁舊釣磯

昔年有客坐漁磯侵曉垂竿晚始歸今日惟餘苔蘚碧
一潭寒影照斜暉

鄭遇春

過春字夏寅蘭谿人有月溪集

過友人山居

東郭先生何處邨板橋茆屋隱雲根
四圍嵐氣碧于水一徑野花香到門
壁有新詩知得句家藏斗酒足開尊
歸途日暮時回首惟有深林鳥語喧

澱江雨中曉望

蘭陰寂寂枕寒流細雨斜風過客舟
一曲漁歌煙外起荻叢驚起夜眠鷗

陳家謨

家謨字聖兆東陽人

聖兆幼習騎射入武庠性就苦吟與同邑郭維翰相唱和延于家分題括韻畫

金華詩錄

卷五十二

十

國朝

夜不暇盪出心影慮往往擁衾而坐得好句急披衣起扣郭門相與共賞達旦不寐聞之樓秀才上層云惜所見不多

桃花源

武陵三月桃花林武陵漁子沿山深飛花片片溪水急
青山歷歷鳴春禽源窟林盡疑無路泊舟登岸縱幽步
隱隱忽聞雞犬聲白雲缺處茆屋露洞口春陰迷綠蘿
雲林鬢鬢得春多黃髮垂髻俱歡樂欸畱雞黍醉顏酡
避秦歲月遽如許歸去休向人前語重來煙樹鎖空濛
落英續紛迷處所

惜梅

月滿窗前雪滿村清香銷得幾黃昏而今策杖頻回首

一陣香風一斷魂

方大綬

大綬字仲纓金華人

閨怨

溶溶空庭月照我獨眠牀反側不能寐緩步出蘭房池
蓮開並蒂邊雁飛成行郎非薄倖兒何不思故鄉形影
自相弔一顧一斷腸信誓空復爾賤妾奚所望

倪家瑞

家瑞字龍生金華人貢生選授開化訓導自號

月川道人有翼保齋詩稿

國朝

金華詩錄

卷五十一

十一

示闕清學詩

自有真衣鉢機鋒未足誇不須翻貝葉儘可墜天花入

定心能斂揮毫興必賒鑄金念賈島尚恐愧方家

讀結語
月川豈

亦曾鑄買
島佛耶

立夏後一日釋闕清過訪

春去添閒悶君來意漸寬坐非叅玉版交亦擬金蘭正
喜茶初熟休嗟花欲殘小亭聊可坐且與共蔬盤

匣中書鐙

原注盞若以竹爲燈
匣糊薄紙障風讀書

螢到秋深光已收那能夜夜月當頭帷鐙最便涼宵坐

恐碍隣家鑿壁偷

鄭若楹

若楹字家丹浦江人有齊齋自鳴詩草

齊齋傲李西涯樂府

體作義門新樂府頗有可傳為錄八首

鍼指血

原注義門第一世祖諱綺面黑如鐵目光炯炯射人視烈日不眩父照得罪勢家文致之陷重辟坐獄不得見號泣奔視以頭抵獄門額流血被面獄吏義之使見復具狀上州刺史錢公端禮乞代刑刑宥錄此白母張嗜溪泉天旱鑿溪不得泉跪溪旁大慟泉忽涌出俄溢丈餘今溪畔有井號孝感泉卽此也張卒臨葬大雪仰天泣禱凄苦不可言狀厥明雪勢未止追喪軍詣冢雪先融其旁封積如故妻丁氏饋食稍緩張志甚丁有後言卽出之重娶阮氏有子蘭與姓不相能又出之康強無疾一日晨起沐浴名子姓謁先祠以鍼刺大指出血滿酒中與衆飲誓曰吾子孫有不孝弟不其財聚者天實殛之言畢叉手正容立久而不動就視之則已逝矣其後子孫同居十有四世義門實基於此

鐵面處士日如星孝弟之至通神明爲父號冤冤獄平

國朝

金華詩錄

卷五十二

十三

爲母禱天天亦靈一出妻謝母氏再出妻謝嫂氏出妻不顧妻有子扶植名教真奇男七世同居從此始一指血十指通刺指出血血流紅一鍼一滴滴酒鐘十指百指千萬指縷縷血脈一氣通編飲子孫誓祖宗分財異爨神須殛衆人諾諾不敢逆立身不動笑而絕

揚州祖

原注元初兵火後居人乏食賴青田公德璋全活者衆公剛直忤物或誣以重罪被逮會質揚州兄龍游公德柱相抱哭曰彼欲害我也無預兩事我去則姦狀白矣青田不從急定至諸暨道中兄以詭計脫身至揚州就吏迨青田至而兄已死矣慟絕而蘇負骨歸葬廬墓上撫兄子如子終身語及揚州事輒嗚咽不能卒語洪武中諡天下度田繪圖命監生蒞其役有以賄敗者連坐權長龍游公之曾孫廉主家政嘗建京師從弟渚公之曾孫也奮然曰吾家以義名吾兄老不可就吏遂自諷服臨死曰吾不愧揚州祖矣

翻雲覆雨隨手使心如鬼蜮難測議不思行義活人恩
但恨剛方忤我意惟有同生兄弟情爲憐非罪廣陵行
爭來就吏哭相抱白日無光天欲老兄以計脫兄到先
兄代弟死弟得全弟來撫膺哭不止負兄之骨撫兄子
終身一念及揚州當餐廢箸鯁在喉龍游有鬼語後昆
金陵義氣薄層雲兄代弟汝其祖弟代兄我其孫一家
骨肉豈圖報成仁取義古所云嗚呼義門有孫步前矩
真不愧揚州祖

縛渠魁

國朝

金華詩錄

卷五十一

十三

原注宋咸淳末官政苛亂惡少年弄兵抄掠數十里居民爲之不
寧青田公德璋以計誘渠魁縛送官集同里作砦以絕其黨常平
使者王公霖龍上其事會處之青田大盜數起卽以公爲青田尉
度時事不可爲辭不赴其子平山公文泰據直道行保州里如一
家數十里間無髮
盜販無敢入境

咸淳之末官政苛惡少弄兵抄掠多數十里間民避匿
雞犬不寧煙火息青田憤然起縛賊獻之官壘石爲作
砦賊去民自安敘功授官官不上但效忠義輕爵賞平
山直道素所秉守父之教形附影保護州里如一家黥
髡盜販不入境青田平山兩父子卓卓人間高義炳

築土中

原注新城之役分七邑大家不卽完者築土中東門要衝功最大
旬日欲就皆相顧失色孟良公樞毅然率衆任之以工緩築土中

幾及胸矣鄉里聞爭
持石來助得以免

事緩慰我心乃有邑中黔事急興我役惟有東門哲
城不是築長城那至奔馳七邑驚東門最要衝令嚴旬
日工工緩築土中築土已及胥鄉人慕義爭持石工程
速完人免厄一夫兩心拔刺無力千夫一心土中人出
莫道成城志少于鑠金口不聞高義感人心落甯還遭
下石手

後半古質如
讀漢人諺諺

避兵行

原注元至正癸卯諸暨戍將謝再興叛訛言寇且至皆避地東陽
或移金華寇來東陽寓東陽者囊橐皆虛路阻不能達員孝公淵
在金華間之泣間道持服物分之仲英公漢家聚避兵在外已獨
甯率鄉人防守時遣人致魚肉蔬果以安衆心貞義公治配張避
兵諸暨樓子鳴鄰火將延寓舍長姊周氏臥病張待側衆規張避
而周不能起乃對眾口吾忍舍姊而自求生乎號泣籲天天大雨

金華詩錄

卷五十二

南

火城人以
爲義感

趙家遇賊笑爭瘦與肥鄭家避賊泣分糧與衣家衆避
兵僻處躲獨畱防守事在我餽魚肉送蔬果得食衆心
安知我不罹禍樓子鳴延隣火長姊臥病避不可我安
獨自求生那大雨滅火義感天何人之道張母賢兄弟
高歌棠棣篇刑于之化亶其然

爭就獄

原注飛霞公源勇于行義明初大家輪勸助糧當事以私憾十倍
其徵械其弟漢請以身代不許號于公庭當事惻然減輸之半後
弟漢以納金銀不足曝日中又往請代不許亦曝日中有誣指寄
鈔者參議公提袞然就逮及至京兄漢又爭就獄高廟義而釋之
永樂中鄉人誣以私藏軍器朝廷遣官搜索止用舊用紅漆器欲
以此罪坐家長瀾大宗伯沂請曰家長臣之兄昏耄無聞知臣爲

禮官不能使家眾謹遵國法罪當坐兄弟爭獄俱蒙恩有御史公
餘以從叔宮庶公濟爲史事累上疏雪寃洪武中家長被誣罪贈大理
丞公柎代赴獄有旨命法司辨理得釋又家長以糧長督運後期例入
京獄叔式公杖挺身代行高廟召問釋之按此二獄未詳家長何人而
事在高廟時計其世數董行必是柎杖二公之伯叔故知其爲姪也明
史云胡惟庸以罪誅有誘鄭氏交通者吏捕之兄弟八人爭行辨弟避
竟往時濂在京師迎謂曰吾居長當任罪疑曰兄弟年老吾自往辨
二人爭入獄太祖曰有人如此肯從逆耶宥之立釋提爲左參議

海潮怒吞廣陵江潮怒撼金陵總爲兄弟獄直節霜稜

稜兄弟請代代常有只是一身足與手輸十倍請代繫

金不足赤日曝誣寄鈔爭就獄誣軍器爭就獄手奪銀

鐙鏘有聲聲震彤庭相抱哭臣忝家長臣之罪臣赴鼎

鑊固其理弟言臣掌天家禮臣忝犯法臣當死叔牽史

禍姪上言家長被累姪代焉屢奉綸音憐尙義見現雪

國朝

金華詩錄 卷五十一

五

消解罪愆又被讒言坐胡黨朝廷名問雪其枉獨憐當

日重師儒魚水君臣卻受汗蜀道忠魂歸未得杜鵑啼

月滿夔巫

斲左手

原注金華稅課司令諱得值苗帥亂越國公胡大海爲其下所害
守宰皆棄官遁公獨坐官署其至斲左手右手猶持印不釋事平
以重陽告歸弟誤往金華省兄值寇亂或告以當去對
曰兄有官守吾義不可獨生卒爲亂兵所傷得救以免

嚴將軍頭可斷鄭稅令手可斲頭可斷身不降手可斲

印難攬平日和風可坐春臨危浩氣入秋旻何物狗鼠

輩突來犯忠臣亂軍不戢越國死氣折義門兩義士兄

有官守印莫委弟有兄在兄所倚寇來兄弟不得避兄

弟同心扶大義

憤姑惡

原注貞孝處士諱淵憤姑惡鳥作詩云姑惡姑惡姑何惡底事悲啼向林薄血流滿口不知休夜夜悲啼山月落鷹鷂有爪利如鋒攫卻慈烏無遺踪何如去此不祥物免使惡聲來耳中其從兄采荅子諱謙和之曰姑惡之鳥豈女流如何棲我田塍頭聲聲不斷叫姑惡暮暮朝朝隱林薄婦人入門事箕帚縱姑惡來當爾受長短短無家家有那何人前說家醜自是烏逐屏跡青田公痛兄代死揚州負骨歸葬廬墓側再期每一悲號烏鳥皆翔集不食家蓄二馬一出則一不獨食人以爲行義所成

貞孝先生憤姑惡夜夜悲啼山月落卻怪鷹鷂攫孝鳥

利爪不將惡鳥攫義門伯仲世罕有吹堦吹箎相和久

爲嗤姑惡不順受頻向人前說家醜歌成四野惡聲絕

平林不動月如雪君不見翔集不啄于鳥鳥爲有悌弟

國朝

金華詩錄 卷五十一

十六

號喪廬又不見二馬一出一不食忠信真可孚豚魚

齊齊

義門樂府二十八章其子選冲爲本題作注孝弟之風忠義之行使人讀之興感今錄其事之有闕風教而詩詞尤雅者八章以備金華士風亦採風者所不棄也

盧選

選字商衡東陽人有志陶集

盧秀才檀云志陶集已散佚不傳其友俞端士抄一

映藏之足見良朋之誼何如山花明夕燈雲樹淡煙嵐句成喜未經人道境絕曾疑有夢遊僧歸竹院烹茶綠人坐花陰對酒紅背佳

書懷和徐梅菴

先生鯁直人禍福非所懼搖筆舒吟興燦爛天花墜羨

彼凌寒松淡茲芳春翠所欲豈異人富貴難力致功名

圖不朽朝華胡足企以茲白首時不懈青雲志誰爲後

來者此懷當高寄

別後書懷寄趙葵閣

日暮歸來對翠屏，疎櫺光透曉霜清。知君也坐寒山月，耿耿長宵惜獨醒。

趙鉞

鉞字亮采，東陽人。有曉嵐吟藁。

戴經農曉嵐吟稿序略云：魏山去東陽五十里而近，單椒若屏，障峯突起，決澗中。溪白，溪分流山下。趙氏自

明初上居其麓，傳世四百年。如班掾所稱，士食舊德，農服先疇者。趙亮采肆力于詩，又以其性靈所融結，發墨作一水。一石山林，賓冥雪海，震盪與詩互相發明。其天趣

江邨

細雨柴門溼空川，返照微水雲看。不盡白鷺一行飛。

宿東白茆舍

國朝

金華詩錄

卷五十一

七

山舍夜蕭然，清機擾客夢。流水時潺潺，牀頭月堪弄。

婕妤怨

燕語昭陽失好音，君王恩盡賜黃金。任教鳳輦同誰載，長信宮門獨閉深。

溪行二首

細雨濃雲鷺皎皎，草隄沙路行人少。山風揉破杏花枝，倒映隔溪春正曉。

潺潺水聲聽不了，山迴路轉春雲繞。斷崖又見板橋橫，一塢炊煙茆屋小。

徐紹溥

紹溥字博功東陽人

感遇

東海有白鶴皎皎刷毛羽飛向南山巔棲以三珠樹珠
樹迎風立亦或棲烏鴉漂搖間風雨鶴飛在天涯梧桐
鳳凰巢香稻鸚鵡粒鍛羽亦有時相望不相及殷勤語
白鶴何日來九臯一聲發長嘯那得謂天高

古意

我昔贈子玉搔頭手挽青絲上翠樓子曾遺我同心結
絲窗細語丁香舌一朝星散隔風煙兩地相思怨各天
高山疊疊波淼淼記得盟言日曛暝

國朝

金華詩錄

卷五十二

六

別意

相見忽相別何如不相見前路柳梢青繫馬腸九轉

諸葛謨

謨字巽言蘭谿人

擬謝康樂七里瀨卽用原韻

扁舟宿寒瀨孤磧滯登眺一澗穿雲流兩岸入天峭古
樹鬱青葱陽景罕臨鴉緣得食喧猿爲逢人嘯不值
羊裘翁空此溪山妙當年賈鄧儔吏事紛苛誚雲臺今
有無孰似桐江釣緬古追清風浩歌發商調

擬沈休文蚤發定山卽用原韻

解纜赤亭畔挂席富春山危巒淡煙際絕壁朝霞間迴
潮激岸白曉日出波圓叢蘿聚蒼翠觸石鳴湍濺花鳥
異人境林壑俱天然僕夫戒清旦余心寄香荃卻顧嶺
頭雲翹首赤松仙

春夜獨坐效玉臺體

黃卷開瓊案青鐙映紙窗不憐春漠漠偏覺影雙雙

俞國賓

國賓字廷佐東陽人有雲鴻集

擬陶潛飲酒

西風何料峭日夕吹衣襟忽忽節序易葉落樹蕭森吾

國朝

金華詩錄

卷五十二

九

生亦有涯那復計來今嬾拙世所棄疎狂適我心不如
飲醇醪醉罷發長吟

山居

草閣清幽甚蕭疎半竹陰地偏過轍少徑窄落花深堪
擬愚公咎時攜綠綺琴悠然吾意愜身世任浮沉

王臚

臚字殿衡金華人有雪艇詩鈔

雪艇食貧工吟山左楊一齋官婺州協鎮一見

異之比稽公之得盡從事
聘爲書記且與作詩序

旅夜望月

疎桐夜氣浮搖漾故鄉愁孤館一輪月長空萬里秋砧

聲沉白練簾影挂銀鈎
庾亮樓何處憑虛一縱眸
別有潺湲一港通
夾流兩岸轉飛蓬
沙邊人釣秋江碧
林外馬嘶夕照紅
木槿闌珊田舍雨
茨菰爛漫野塘風
鱸魚豈必家鄉美
滋味從知到處同

春日湖上

何處春光迥出羣
錢塘門外兩峯雲
驕嘶山色瓏瑤騎
撩亂湖光翡翠裙
蘿薜露寒蘇小墓
松杉風吼岳王墳
表忠祠畔多情柳
猶坐啼鶯對夕曛

子規

國朝

金華詩錄

卷五十一

三

啼向東風月落時
非關遊子亦淒其
煙邨幾點飛來雨
山郭數聲歸去辭
楊柳樓頭驚少婦
荼蘼夢斷寄相思
郵亭春盡丁寧徧
賺得濃陰血滿枝

漫興

一鑪香伴旅魂清
絃管聲傳隔院情
衾著春寒眠不得
杏花牆角月三更

海棠次晉陵陳和叔韻二首

嬌鶯喚睡醒花枝
滴露如珠綴碧絲
滿院春情描不得
東風簾幕曉粧時

融霞暈雪一枝新
謹護芳時御史春
莫任晚風深造次

驚愁憔悴照花人

趙正郁

正郁字助甫東陽人

古劍

雌雄雙劍記豐城應是昆吾蚤鑄成那得飛仙傳劍俠
壁間颯颯起風聲

古琴

焦桐懸壁久無絃佳趣依然託響泉擬就松風彈一曲
好教元鶴舞蹁躚

趙廷圭

國朝

金華詩錄

卷五十二

三

廷圭字德洽東陽人

西湖竹枝詞

青青楊柳望中分搖曳蘇隄拂曉雲古栢南枝憔悴久
遊人偏上岳王墳
柔艣輕搖日未斜山南山北盡桃花西冷橋畔空回首
不見當年油碧車

盧宏啓

宏啓字烈元東陽人有志學古謂讀書必從識

字始畱心四聲著韻學會海其所作詩曰賽蛩

吟惜俱不傳

入華山懷古用白雲先生原韻

名山塵跡豈能干翠碧巘屹百里看學溯何王延一綫
道隆鄒魯晰千端當年馬帳春風麗此日蠡欄古月寒
為問斯文疇復振入華頂上幾盤桓

書者俱已散佚僅記此作惜非其至者為錄之以存其人

馮孚

孚字文異義烏人究心字學工書有四聲千字

文未脫稿

繡川卽事二首

山色映千重湖光滿十里扁舟何處來白鷺翻波起

國朝

金華詩錄

卷五十二

三

川上日將暝餘暉照晚林小橋人去遠回首白雲深

夏之時

之時字聖得金華人

聖得者志力學不恤勞瘁以此得疾而天

遊絲

春晝園林靜遊絲正嬾然傍枝依柳細帶藥入花偏一
縷穿雲起移時映日懸忽當風過處縹緲白遙天

夜分讀書起立見月作

小窗照讀篝燈紅助我吟聲四壁蟲忽起開襟憑檻立

一輪明月正當空

金華詩錄卷五十二

金華詩錄卷五十三

國朝九

戴望暉

望嶧字鄒山浦江人乾隆十二年鄉舉十七年
薦官學正遷助教二十五年登進士第分發
湖南署安鄉令實授寧遠令未赴丁內艱服闋
發雲南署廣通一年實授祿豐令值緬甸用兵
祿豐當孔道軍書旁午以鄰犯越獄註誤上官
重其才命効用軍前抵永昌襄理諸務卒于櫺
木有桐峯聽鸝紀遊望雲雁聲槐雲仙華湘雲

國朝

金華詩錄

卷五十三

滇南諸集

桐峯天性純篤與兄旰晷丞王徵德清論王祥相友愛一室談詩于漢魏以來諸大家源流別講論有素雁

聲者兄弟唱和之作也當春令分飛之時爲驪駒之盛唱池塘春草不待夢中吟去語之令人想見郭村之盛

寶岡表兄作齒落歎索和步韻解之

吾聞脣與齒兩者相表裏毀齟曾幾時駒隙忽奔駛老
少自不同可悟消息理觸緒懷高堂介肴歡酌兕八十
宜常珍適口乃云美今君正服官隻手一輪指齒落亦
偶然豈遂衰齡比吐慧流清芬日夕未有止五言誰長
城逢君直傾圯珠唾落九天喉舌國所倚清望非爪牙
何妨肉生髀

陳生南歸余旣以詩送之復和其雷別元韻

汝本守蓬華奮志來

帝京如賈見奇貨一一皆歎驚成均古槐市未到心先
傾亦既獲覲止景仰時行行談經快聚首無復傷飄零
夜靜月在戶冬寒雪在庭比鄰接鐙火往來三舍英新
交與故知縞紵相疊仍文章根道義肅然稟規刑古意
自磅礴土簋羹則劔作意避時好往往思入冥今年秋
八月賢能屆賓興以此決歸思別淚沾胸膺送汝歸便
好使我萬慮并人生如野鳥飲啄非不寧一旦辭山梁
詎免羅網攫入世慎立腳一敗不復成相與敦所尙內
重外自輕願爲礮礮鶴母爲營營蠅此意期共勉去矣

國朝

金華詩錄

卷五十三

二

千里程山中遇樵侶爲我述舊盟行當賦歸來一暢山

水情

陳生桐峯門人陳秀才松齡也隨桐峯在太學爲述編峯宮國子時
條發整密三舍六堂交相倚重今讀此詩猶想見愛人以德之意

瑞槐行

有序

太學西講堂古槐一本元儒許魯齋先生手
植也久枯復榮觀者稱瑞詩以紀之

成均列舍濃陰綠日午風光吹講幄由來

聖域重宮墻况復

皇仁被草木講堂西偏有古槐誰與植者許魯齋此樹
婆娑五百歲虬枝兀鼻凌雲排凌雲直土僵不仆蟲齧
蟻穿成朽蠹歸然一樹空槎枒摩挲擬作蘭成賦詎識

靈根本不枯滿腔生意無時無含苞遲遲若有待日滋
夜息培根株兔月縈紆見嫩色改觀儵忽殊今昔吐穎
初同萸莢生敷英恰共芝房坼漸覺清音中瑟瑟居然
蒼翠儕松柏槐兮槐兮亦有神及時滋長爭先春久經
侵蝕風霜古俄訝昭蘇雨露新君不見龍門之桐高百
尺孤榦無枝亦枯寂又不見金城之柳大十圍江潭搖
落祗堪悲豈如此槐生得地費序鱸堂尊位置名賢手
植宛然畱剝果重生驗遭際我聞壽考頌周王倬彼雲

漢天爲章薪樞榘樸自濟濟於論鐘鼓斯墜墜方今
天子文治昌榘楠杞梓增輝光一槐應瑞事非偶繪圖

國朝

金華詩錄

卷五十三

三

作歌傳不朽

掛月峯

盤山之奇巨靈擘挂月峯頭天咫尺縱覽方舒眼界寬
高歌頓破襟懷窄金臺縹緲擁雲紅潞水微茫帶沙白
東偏設險森雄關薊門直作幽燕隘天風吹來戍鼓聲
使我慷慨起邊情廻身極眺沙塞北袤延萬里圍長城
盧龍形勢在指顧黃花白狼相向明平生艷說封侯事
對此誰能灰壯志君不見虎頭燕頰本書生棄繻自請
繫長纓

題李郎中大然先生種山亭圖

先生嗜奇獨愛山五嶽羅列方寸間結念在山得山趣
耳遇目遇皆孱顏豈無五丁鑿恐傷元氣薄亦有愚公
移慮爲智者嗤飄飄誓不墜凡想真宰上訴絕摹做黑
甜一枕華胥遊種山一諾非恟怙箇中神境天爲開醒
後不忘高崔巍坐看頑石有生氣磊磊落落舍胚胎圓
分方裂脈絡具不用枝葉惟根蔕一卷秀奪千峯色祖
龍欲鞭鞭不得山靈呵護地靈鍾嶄然不受風霜蝕君
不見姚黃魏紫紛奇葩眼前富貴空繁華又不見藍田
日暖春發芽懷璧其罪古所嗟豈如先生礪硯胸心匠
獨出開啞峒瘦骨突兀行摩空真須呼我作天公茲事

國朝

金華詩錄

卷五十三

四

相傳古無有寫生更倩丹青手地老天荒萬古情披圖
好共青山壽先生先生何超然種山得山仙乎仙是夢
非夢禪乎禪神理繇邈窺真詮開軒挂笏凌雲煙

天石姪來京相見言懷感賦二律

相見不相識分離十九年一官同塞馬八口寄巴川

原注

天石原任綿州尉
家口寄寓三臺

浮梗終無定寒灰可待然春風剛似翦且

爲割愁牽

歲月一何速生涯到底難鬚眉空老大骨肉未團圓燕
市憐癡叔槐堂滯冷官菜羹滋味在聊與共齋盤

江濶望無垠微茫澹夕曛平蕪遙界雨高浪迥連雲吳
楚雙流合金焦一水分晚鐘初出寺縹緲幾回聞

登六合埭

塢影層霄上紅闌映紫霓氣吞江面小勢壓海門低煙
火連吳鎮雲山帶越樓我來天半立疑是步丹梯

薄暮遊拈花寺有感

原注卽益都馮相國
萬柳園今名萬柳塘

名花已失舊繁華閒上僧樓縱目賒雲破天青明雁字
浦乾沙白隱蘆花亭臺認取苔封砌鐘鼓虛傳柳報衙
我愛登臨轉惆悵夕陽古道亂啼鴉

曉泊淮陰

國朝

金華詩錄 卷五十三

五

忽聞蕭寺曉鐘殘小泊蘆洲雪滿灘隋苑南來雲黯黯
袁江北去路漫漫飛仙帝子空叢桂乞食王孫有釣竿
把酒臨風重懷古落鴻聲入射陂寒

高郵道中

覆孟城畔雨廉纖荻岸維舟近酒帘三十六陂煙景好
秦郵風月憶秦髯

東阿道中懷古

山繞阿城驛路長陳思舊蹟已荒涼空憐詞賦黃初體
不及東平有憲王

原注前去卽東平
州漢東平王敞封

在平道中懷古

火色鳶肩迥出儔都從事後識英流如何房杜稱名相

卻遣常何薦馬周

以上二首懷古詩都用
此事法義山詠史之遺

倪鳳儀

鳳儀字虞音金華人習醫工吟有攬藍草

虞音自序余素

就醫苦性拙不能窺軒岐奧旨顧斯事子人有濟因日專于藥鑪芳輿
擧其雜椽也邑侯朱茶邨先生為題平積堂柱云福壽草木入文章嘻
先生真知余耶余之學詩猶之學醫也以草木臭味清香木春秋又安
知老之將至哉每歲之中苞者簞者天者喬者卉而秀者堅而栗者彫
萎而剝落者何地不遇之何時不見之奈所遇所見者不異而余遇之
見之之精隨時隨地而異草木引余以無盡耶余引草木以無盡耶屈
子之言曰申之以擗蕙蓋非余之能引草木實草木之引余也雖然輕
塵棲弱與草木同腐矣醫之為道惜養太和而使傷于斷削詩之為道
舒嘯天真不使紛于世味若曰必如何而後可為名計是不以昌
陽引年而甘為膏蘭之自熱山水之自寇也余胡為乎陷是哉

田家

國朝

金華詩錄 卷五十三

六

南門照初昏

原注夏小正四月初
昏南門正南門星名

郭公竟夜啼棟風吹蓬帷殘

月皓宵闈老農起視夜吟啾喧鄰雞呼豎蚤飯牛明星

向人低隴麥昨已刈覓土止可犁勿云黃犢健一日終

數畦任畝為縱橫落花襯圓蹄焉用頻加筆沒腓侵汗

泥不竭人之忠人已斯兩齊物性亦類然鞭逼何過悽

今有未耕田來日重提撕試觀東南南臯秋穫誰久稽

言外

自寓懶
農之意

天貺啓新伏

原注宋史祥符四年六月六日
天書再降遂以此日為天貺節

蓼蓼開巫鼓磔雞蒸

豚蹄邨陌說田祖蒼昊心自仁滄溟足時雨人侈收十

斛儂思支二鬴富歲誠多賴不材生沃土處亨誰思屯

在樂已忘苦北里戲拔河南鄰賽霓舞雖託八蜡通糜
費終無數何如耕礪确饘粥力自努歲暮之餘糧芋菽
儘堪補雪翦黃獨苗露摘蓓蕾乳置身懷葛初清風傲

太古

婺州里俗聯數家爲社勤于報賽
北里南鄰數語亦足使聞者知戒

種茄須種苗種諸須種節種葱須種根種薑須種藥夫
物之不齊其類區以別順性之自然斯卽養人訣老翁
瘠如鸛頭童齒杌抱甕日灌園自嗤生涯拙每苦六
月暑晚蘇萎蒸熟入方事翻車綆缶余獨挈豈效運甕
勞機巧非所悅胡泉耳如鼠迷陽脚疑鼈蒸作三冬茹
時爲鄰叟沒蔽菜味雖淡經儂手自撥

柳州郭橐駝傳謂種樹
得養生術猶自爲之私

國朝

金華詩錄

卷五十三

七

此云種物卽養人
訣所見者大矣

雨中過太陽嶺

宿雲欲歸山雨足尙未住標峯插元昊猿鳥愁難度我
憇半山亭我伴已前路拾級百丈峻不覺入雲霧石磴
寫流泉界道懸瀑布山巔梵宇壯旅行未遑顧途逢饑
餉者冉冉來何暮問將何所之云爲征人哺嗟我昌亭
客一飯憑誰餽虞卿日擔簦相如枉徒步且耐山中行
亦得山中趣

辛未歲稔記事

天皇城頭燐火青啁啾鬼語人驚聽

原注辛未春夏之交天皇
門外夜夜有鬼火間聞鬼

語既而大旱

炎風狂煎夏至後五十日內雲無形官衙清晨至

日晏告災陳牘如雪片平糶急發常平倉厥設鄉城聽民便是時張公宰長山葛衣步禱無時間輕輿勘災得

情實虔申天吏知民艱披星犯露勤奔走事煩食少誰能久玉棺忽降鳧鳥歸百姓哀號失慈母

原注呂侯張公謹王衡山東舉人禱雨甚

虔辦災甚勤卒于官

吁嗟肉食人多肥不惜哀黎終歲飢哀黎支撐

苦無力匍匐登山采蕨薇俄見邨南簇如市掘得白堊

相驚喜此時佛出救不得便道拯難由大士餒腹狂嘔

未覺多須臾彭亨脹欲死

原注飢民初采蕨根後爭掘白堊泥稱為糲音粉食之多脹悶欲絕

鳧此

蘆蕪得甚珍吾民何以爲生理春來

國朝

金華詩錄

卷五十三

天子沛恩膏堯仁浩蕩

詔雷漕太倉米黃蒸若粟飛珠輓玉來萬艘攜持保抱

無大小排家比戶歡不了計口領得數升歸煮作香糜

雜芹蓼大男洗鑕別與飯勉使力作身強孺小男與粥

猶苦飢尙餘糝枇堪爲麩至誠感神信有由今年欣見

收有秋明昭受賜蚤叶兆青青岐穗生來牟况兼籽本

官所給春耕不待三農愁乃知唐水商早有自古轉移

造化由

聖主陰陽調和風雨時回憶彫年倍歡舞君不見邨民

去冬垂頭如病鳩今朝打麥健于虎

前寫遇災覓食之狀後寫得賑計口之情歷歷如繪

完山鳥行

有序

辛未之旱民不能自存有鬻子女者見而悲

之為賦完山鳥行

原注說苑夫子聞哭者而鼓琴顏回語之問何說曰聞之完山之鳥生子羽翼

已成將去不反遂之而哀鳴今哭者類是問之果有親死不能葬而啜子者

荒郊有鳥鳴何哀雛別母去將不回雛不肯去母不捨

啼血欲絕難分開旁有惡鳥類鷗隼瞋目怒叫何其忍

逼雛即逐征鴻去臨行啄粒不容盡嗚呼鳴鳩棲在桑

均哺七子今成行白項老鳥啼啞啞受子反哺情閒適

慈孝分明有天性奈緣養羞無策稻梁謀窘難完聚

處堂待斃誠何益送雛此去難為情黃口初乾幸有成

國朝

金華詩錄

卷五十三

九

衰羽猶堪自覓食願雛無復顧所生鳳仁鷓義隨地有

誰肯為鴟殘人後寄語秋雁隨陽來報雛無恙慰啼母

此種慕杜陵而能得其神與髓者

梅條杖引

有序

杜少陵有桃竹杖引首句云江心蟠石生桃

竹得于水也金華南山深處有梅條削之成

短策作山行之助杜為人所贈以扶衰老余

自得于山以助山行情或不同然梅與竹同

材杜所云出入爪甲鏗有聲者梅條亦然也

因依之作引

烏雲山之南冬寒素虬蟄

原注金華南山有烏雲青草地名

霜雪噴香春醴

鼇橫斜一枝屈如鐵乳虎吼虬飛猿舔舐山人不敢探
余獨深入削根節下山躡繭若跛鼈賴有此物掖蹙躡
夜歸摩挲玉光潔祇愁神劍擊欲裂攜之遠岳訪僊住
南遊休逢九嶷仙認取綠萼知前緣奪我所恃將奈何
不如仍向終南過手支三尺形矮矮挾以飛渡凌洪波
弱水縱弱無足多羣真爲作梅杖歌歌曰無往不復無
平不跛羅浮癡人夢魂墮藉君一擊爲証果從此塵寰
息偏頗

讀五代史五首

國朝

金華詩錄

卷五十三

十

六臣傳

唐祚難終振天心爲國愁帝秦空趙璧誅佞恨吳鉤誰
與嗟龍比何堪拜冕旒至今白馬驛碧血灑清流

家人傳

自昔英雄主牽情爲忽微龍獮雖氣數燕啄自宮闈階
厲詩陳戒堅冰易謹幾風邪兼露霧勿使近龍衣

伶官傳

天下李何在居然當世豪一夫呼暮夜三矢失前勞蕭
索同光帝爭憚兒女曹曲終人不見猶恨郭門高

馮道傳

放下兔園策癡頑今又來有孫還有子無德并無才孔
壽誠高矣奴顏亦厚哉當年長樂老一恁自徘徊

錢鏐世家

吳越興王地昇平歷數朝有城衣錦繡開府置官僚王
氣冲牛斗英風退海潮世家昭舊史玉帶映鸞鑣

謁錢御史墓

原注御史臣入諱學孔嘉靖間進士歷官僉都御
史疏上五事切中時宜清軍蘇松等處奏行補伍

之法

北臺重望肅刑曹不忝科名志節高抗疏雪霜飛象簡
清軍風雨壯龍韜一抔淨土堪埋玉四尺崇封未翦蒿
華表月明無反鶴空餘石獸伴牢騷

國朝

金華詩錄

卷五十三

十一

二忠詩

張中丞

國維

鬢髮無端點雪華丹心許國蚤忘家畫江闔寄元戎節
捍海塘成漢使槎星落崖山飄浪舶情隨湘水賦懷沙
詩傳絕命誰堪讀畱得忠貞玉不瑕

朱閣部

大典

國士風塵未遇時真龍瑞鳳世所知疏排璫逆聲先壯
威靖流氛略更奇老范有兵原素裕睢陽無力可孤支
鍊成丹赤爭天日綿上何勞弔介推

立夏日新婦詞

青梅初薦熟如豈復如珠借作和羨料殷勤進阿姑

秋閨怨

露草繁階蟋蟀吟空庭對月搗寒砧衣單祇念關山遠

那惜秋涼到枕衾用意忠厚正始之音 虞音雅才逸氣探原樂府立意正大命詞豪俊卓然方家又所作絕有關係不沾沾于

流連光景之篇近人中殊不易得去今未久聲望闐然蝴蝶沸鸞鷲鶴失羣安得舉此種詩力為振之使發州復見古風

徐時泉

時泉字右川東陽人乾隆二十一年鄉舉取入

教習館期滿授慶元教諭卒于官右川詩才雅飭惜不末年未竟其學

甌山登高下遊白雲洞還至昭德寺

山城新雨後秋色滿巖谷振衣出西郊寒翠撲人目甌

國朝

金華詩錄 卷五十二

十一

山已在望蠟屐向山麓透迤繞林莽紆折類轉軸捫蘿

冒奇險徑滑濺飛瀑行行得平曠松石益蒼肅周覽百

里外衆壑各蹲伏表峩仙華峯蓮房向空矗盈盈畫溪

水匹練界平陸城小如彈丸邨落湊若輻休文昔守此

杖策叩幽獨寒雲間石起原注沈休文登嶽山句遺韻尙堪讀恨無買

山錢避俗得小築俯尋洞壑幽白雲護林木石乳滴清

甘原注洞中石乳泉最甘仙漿逗芳馥一渠潌細流無心與波逐澗迴

出谷口信步免局踰林表插浮圖繚垣隱修竹山根暮

煙起紫翠籠佛屋斜陽在雁背言歸莫辭速會須傾斗

酒無負東籬菊

五人墓

閻豎盜國柄四海集利府義人一網盡政闕倩誰補呼
父與呼公欲快爭先覩廉恥喪縉紳忠義在屠酷意氣
相激昂何畏吏如虎已奮鋤奸勇寧辭斷頭苦悠悠照
青燐哀哀號杜宇俠骨久生香千秋一抔土

題射獵圖

天垂大漠秋風起黃塵如霧百草死風中麇策聲寂悲
隨風吹入薊門裏朔方健兒身手強團團明月凋弓張
馬如游龍狗如豹鳥驚獸駭走悽惶飢鷹眼窺高展翼
鳴絃縱送黃金勒風毛雨血灑滿天遙指鞭梢動顏色

國朝

金華詩錄

卷五十三

七

揮毫意態迥不羣勁氣直欲排秋雲君不見射虎北平
真絕技數奇猶歎李將軍

錢塘觀潮歌

蘆花亂飛風怒號海門匹練翻江濤殷殷隆隆聲漸高
壁立千丈卷秋聽鳥啼獸吼驚相啜貔貅十萬殺氣塵
百靈噓氣噴神臯天吳昂首鏗蒲牢馮夷鳴鼓音嘈嘈
白帝蓐收揚旌旄洛妃神女舞鸞翻雷公伐山衆竅噓
素車白馬乘雲遯虎蛟水犀紛騰逃東海任公罷釣鼇
目炫氣促不敢囂飛流直射嚴陵嶽龕楮兩點青如蒿
欲沒未沒隨滔滔弄潮舟子慣不勞衝風排列千萬艘

鼓舵便捷如鼓刀吳娘素手能支篙喧呼撞擊爲周遭
性命不啻輕鴻毛我來酌酒臨江壕拍手大叫神醜醜
乘風軒舉思翔翔青冥無翅徒首搔

秋夜

一雨洗出長安秋千門萬井多清幽緇塵不揚月皎皎
銀漢無波雲悠悠巖城宵靜萬籟寂麗譙次第傳銅籌
三更露下覺涼重瓊樓玉宇清光流坐餘手汲清冷水
煎茶花底風颭颭此中浩然渺塵慮一任涼雁啼星郵

苦雨行

車搖搖路偏仄渴泥數尺攪水黑馬行一步一喘息十

國朝

金華詩錄

卷五三

古

日曾無一日程兩日始有一日食穀城山高徑險危天
如覆釜雲如墨傾盆雨急萬澗奔平地頃刻成溝洫只
將性命依僮僕冒雨相看少顏色此身未長搏風翼那
惜泥塗過推却

牧牛詞

春流涓涓草芊芊白雲一隴山徑偏飯牛曉出犁我田
飲水當水清食草及草茂牛乎爾肥莫爾瘦耳溼溼兮
角彎彎桐角鳴兮牛下山朝耕山南暮耕山北服軛負
犁飢不能息畊餘喘臥矮牆陰頭白老翁能用心呼童
牧牛前溪路年年藉爾出租賦牛乎勉力播嘉穀明年

賣刀更買犢

碧雲寺懷古

夾道槐陰古寺偏中官營建記當年

原注寺為正德中內監于經請勅所建經收稅臨河

以私財造寺復營翠寺後俗所稱于公墳者是也

直從賈船窮民力來與瞿曇敵法筵

佞佛何靈寧貸死棲山無恙此安禪笑他三紀遺風在

又見權璫役墓田

原注魏闢亦營葬地于此伏誅後其黨人猶肖闢像葬衣冠樹豐碑焉

京口夜泊

萬籟寂無聲微微聞櫓響舟人忽誼諱月出江湖上

高郵道中

參差柳色翠如鬢激灩湖光碧映天雨過曉風寒尚峭

國朝

金華詩錄

卷五十三

五

水雲低浸釣魚船

孟城環繞近湖隈亭榭高低鏡面開日晚賣魚爭市酒

布帆如鳥各飛來

鳳皇山懷古

良嶽標名識預成百年南渡費經營不須泣上龍堆望

已有樊樓似汴京

仙韶院裏鼓箏篴第一當場菊部頭剩水殘山能幾許

御前猶是按梁州

旌旗采石正揚舩寫就吳山入畫屏不是書生通將略

已看降表出臯亭

白塔沉埋古寺空
蕭蕭松柏怨秋風
只餘正殿排衙石
依舊寒山落照中

西湖柳枝詞

柳葉如絲拂畫樓
柳花如雪蕩簾鉤
花飛切莫臨江水
化作浮萍逐浪遊

折枝折向段家橋
愛折長條莫短條
折得長條何所繫
爲郎舟上繫蘭橈

鎖瀾橋下柳如雲
百轉黃鸝叫晚曛
人去攀條棲不得
一雙飛過岳王墳

蘇公隄上鶯亂啼
白公隄上草萋萋
眼看春色流如水

國朝

金華詩錄

卷五十三

六

柳外斜陽又向西

論詩七首

北宋南施數作家
開天風雅掃浮華
凌雲更有鴛湖叟
未要錢吳借齒牙

妙悟從來屬化工
濟南詩派近禪宗
紛紛耳熟王司寇
誰識淵源自考功

高山流水絕清幽
太古元音象外求
參破阮亭詩入妙
五言真欲媿蘇州

絕妙清才孰比肩
紅隴小部唱鈞天
如何一代稱才子
偏喜俳諧調後賢

東粵名家著海濱古詩先數嶺南陳百年騷雅知誰是
猶有番禺屈大均

新城七字師工部不信長吟蜀道詩怪底青州狂學士

談龍一錄欲何為

原注趙秋谷談龍錄力排阮亭至謂其深毀少陵未免過持門戶之見

樂府由來費品評古詩宮徵自天成籥籥如此隨人會

豈止渠儂識四聲

原注秋谷著聲調譜白謂發不傳之秘以公海內青齊學者奉為指南然亦如元裕之所云今人合笑古人拙

餘卻雅言都
不知者也

盧綬

綬字廷予東陽人乾隆三十一年鄉舉

廷予自號方堂立身

行已極愛邊幅
窮困而卒惜哉

國朝

金華詩錄 卷五十三

十七

水竹居即景贈志晤上人

偶從竹徑訪幽棲徑轉峯迴箇箇齊清磬忽聞生澗底
暮煙不覺曳林西本來色相花無語自在機緘鳥正啼
知道上人多頓悟可能指點此中迷

徐正學

正學字衛聖東陽人

衛聖好讀古書至嘔血不止嘗與友人論文曰凡文成須令人讀之如嚼薑桂

滿口
皆辣

遊水竹菴和樓更一

谷口已聞鐘山僧苦未逢回回四五曲又見兩三峯

十二

字寫山行紆廻之境如記桃花源矣

趙舟

舟字施遠東陽人

施遠落落自好未嘗窺戶外城市中無其迹也詩中頗有靜境五言如庭外幾花落

池頭一鳥鳴鴉翻江樹月魚動石潭星一時傳爲好句

擬古

南山高不極上有松與栢不信楊柳枝綰煙在廣陌葉
葉點春容絲絲妍春色獨彼蒼虬顏桃李笑啞啞悠悠
我思之惘焉孰與策

偶作

紅葉隱漁家炊煙一縷斜半彎流水曲飛鷺沒殘霞

夏日齋中

國朝

金華詩錄

卷五十三

六

池塘淡淡玉梳香柳外風清一扇涼友不到來誰索句
桐花吹落石方牀

偶尋

偶尋樵徑入山中欲采幽蘭悵未逢曲澗雲迷人跡絕
芳香散作石林風

趙田

田字心樹東陽人貢生邃于易篤實深湛以學

行推重

謁李正節侯祠

蟠根已大守宗風愛易文成衍聖功不爲身家辭滅頂

蚤于君國矢匪躬田禽逼處山河裂鼯鼠同僚智力窮
時已及瓜肯犯難睢陽臣節比精忠

俞元之

元之字貞起金華人少年豪放與同邑朱秋魁
交偕遊京師秋魁得官欲偕行旣而幡然歸寄
情山水間自號介石服則鼓琴一曲酌酒賦詩
以自遣吟罷輒棄其族叔文彬收集存于家

夜坐

書樓夜獨坐正當風起時孤懷方寂寞萬籟復參差回
憶十年事含悽只自知歲月老將至撫躬終何爲不如

國朝

金華詩錄 卷五十三

九

一斗酒長吟聊自怡

壯年不肯飲老去空自傷提壺欲沽酒羞澀剩空囊此
心成鬱結詩思亦茫茫偶讀少陵歌添我逸興狂如遇
飲中仙把袂來醉鄉

鮑姑貞烈詩

有序

姑姓鮑小字元義烏鮑拱辰女許字吾宗效六
第三子文枝遭暴疾卒姑年十九聞訃奔喪不
返依文枝祖母靖氏以居已十載靖卒翁憐姑
少議收嫁已受聘親迎有日矣姑聞之以剪刺
喉死不二之操良可美也因作詩誌其事

少讀栢舟詩立志矢靡他永懷不二心堅貞不得磨許
字在吾宗郎年尙童稚郎馬未親迎郎訃忽已至南山
松栢摧顛倒鳶與蘿相與託性命離絕將奈何來作未
忘人爲郎守縞素祖姑與同居聊遣日月度有翁胡不
諒欲使移所天合歡雖未經立志早已堅旣操寡鵠吟
羞逐比翼鳥願與郎同穴終身事可了

金華詩錄卷五十三

國朝

金華詩錄

卷五十三

三

金華詩錄卷五十四

國朝十

王家賓

家賓字心一東陽人好古力學根柢六經所著
記論各體見者以爲劉原父李泰伯一流多病

自號十疴剩人卒年三十三

十疴剩人體羸弱病中不廢讀書其志甚篤臨危在

牀箕手一卷不釋友人趙煥文視疾猶沾沾于讀書之友進境恐不及追也

述志寄樓平江

大道久淪沒斯人誰仔肩科舉自聲價記誦爲俊賢吾
儒欲深造實惟自得先日計雖不足月計有餘焉古昔

國朝

金華詩錄

卷五十四

一

子輿氏尊聖心獨專楊墨爲摧折蘇張亦棄捐縱歷秦
火劫一綫實未然唐有昌黎韓軀排障百川五原出心
契儒佛畫天淵越宋濂溪子超悟更無前太極發性理
通書至蘊宣私淑程張朱統緒于斯綿疇爲道先路而
乃中不偏矧際昌明後道學如斗躔婺州四先生考亭
一派傳淵源深可溯詎必親几筵趨向果端正崎嶇可
舍旃側足歷危磴期登泰華顛修詞以立誠要在根本
堅經籍羅胸中有如日在天百家佐討論子史從貫穿
雖多奚以爲得一乃逢原吾兄秉靈姿才藻如青蓮萬
言可倚馬斗酒可百篇所貴歛鋒鏑于以資磨研賤子

性最魯且多俗慮牽逡巡索蠹簡那得先著鞭自笑井底蛙驥尾敢攀連活潑天機到飛躍在魚鳶明者見自遠定不落言詮

訪樓平江歸過箬嶺

屠維赤奮若仲冬月朔日整履訪知已來至青陽室高論摩青天深夜促坐膝翦燭屢去跋茶鐺火更撥壺中酒已傾相對醜顏發人靜如太古衆星紛羅列忽聞墮地聲窗外風瑟瑟楓葉如轉蓬飄搖無峻節老松作怒濤乾坤任掀揭明發開戶視黯然同雲密颯杳襲重衣竊意天欲雪須臾扶桑東温暾朝日出紅光掃霽對陽氣頗豁達送我至山腰亂石隨憩歇前嶺鬱歸峩旁峯聳嵒擡揮手歷危磴蹬防顛蹶徐步上鰲峯呼吸排闥闔俯瞰天台巖遠竄弗挺出此時旁無人胸中復何物一嘯天地空浩然去沉鬱

亭然起率然止來而往去而語一頓一折奇境獨闢筆有造化

號寒兒

號寒兒正堪悲阿父傭人代耕作得錢換米克家饑機聲軋軋夜沉沉阿母織紵供兒衣秋時花冬時布食米不足賣布助伶仃兒身披故絮朔風吹沙三日霧上年不比今年寒今夜更比昨夜冷上年昨夜時已過今年在當境風淒其兒號寒號寒之聲入耳酸我身已

國朝

金華詩錄

卷五十四

二

暖裘木棉安得化作萬人衣九州被茆簷處處耐冬天
冬夜讀郭河東集偶賦長句

夜靜寒風號窗牖紛刁廳耐冷坐稽古青鐙照人豪景
純先生晉世士名聞到今畱杜史詞鋒卓犖絕人代天
啓青囊闡妙理當其遭際惠懷間河東狂賊羣跳梁避
地直抵廬江郡挾策投刺胡孟康主人識短難與俱見
機揮手從茲去厥後叅佐王司徒截柏解厄多深慮銅
鐸棧鐘膺符命刑獄異時開陳青宮冢子布衣交提
挈庾亮攀太真明帝之時那可論元兇起乘窺周鼎借
筮抗節扶王綱南岡鵲巢光炯炯夙負貞志豫讓比罹
災疇料同稽生嗚呼典午中興才學宗千古共歎長宏
碧匡國功多歸溫嶠當日已禿奸雄魄僕初披讀文選
文傾心江賦遊仙詩或如錦煥如霞舒長才奕奕稱獨
奇其餘著作有遺帙怪駭精博難具述人間磊落盡如
公便注蟲魚也未失

讀孔北海集書後

四百餘年漢祚終阿瞞亂世作奸雄山河死後方成魏
君國生前總繫公禰謝薦書光柱史甄臨配社格幽衷
卽今樽酒常盈際猶想當時待士風

讀蘇文忠海外集書後

國朝

金華詩錄

卷五十四

三

秉軸當時慣嫉賢文忠惠謫復瓊遷古今飄泊詩三友
父子窮愁屋一椽莫謂被讒流海外正教高詠振南天

又自讀漢書云學如董相
方希孟才到長沙且弔原
整亦工

夢遊華頂拜經臺得萬里無山遮海日句因足

成之

夢裏尋遊杳渺鄉拜經臺迴翠陰涼煙雲霧雨中間豁
城郭人民下界蒼萬里無山遮海日一聲長嘯盪秋霜
此身未歷心先到天姥歌聞繞石梁

山行

國朝

金華詩錄

卷五十四

四

古柏蒼松老更妍森森萬樹欲參天嶺雲已落猶含雨
山日旋橫未著煙鑑髮每當秋澗靜愁心常喜石苔鮮
紆迴古道人踪遠不斷禽聲出自然

胡廷梅

廷梅字德彰東陽人精于詩以幽邃精拔爲工

初年所作見者以青山一片綠樹數行方之近

臻高格惜未竟其學而卒

東陽學詩家擬之以劉春虛儲
光羲一流雖稍過情然骨清

思亦自
不俗

古詩

脈脈寒溪流落落老樹林結廬于其間可以挹清音有

客攜壺至洗醖共我斟相對傾一醉涼月出高岑拂袖
起延月浩歌明素心

與清溪上人

鹿峯採樵徑清溪釣魚磯其間有高人落落今所稀間
年正及壯對我悲落暉俯仰念今昔脫然悟其非歡焉
守淡漠種藥曠所依間時嘯風月載酒酣芳菲傷彼迷
途客見爾心事違我亦懷苦辛感之長嘯唏

驚火

嘻嘻夜有聲烈烈晝揚熾熒惑下爲災南風與朋比黔
廬而頽垣淪瞬已難制我屋依長林相去咫尺地聞之

國朝

金華詩錄 卷五十四

五

奮臂起救拯密防衛此時如有神火息風亦潰決背視
吾廬歸然獨無事甚仗衆人力甚托衆人庇憶昔丁亥
冬逐羣應童試出門十五日池魚殃已逮蕩滌悉無有
歸來空垂淚往者收燼餘今未周三歲翦茆縛初就四
壁堪坐對傷哉鄰里殃得無同驚悸驚定還自嗟呼號
入夢寐

述商人言

有客自越歸爲我道險艱五日剡溪路行旅幾不還迴
風吼天地雷雨競奔翻溪窟蛟欲拔老湫龍怒噴陽侯
恣呀呶洪流肆波瀾飛帆挂楊樹盪舟行無邊極目渺

茫際倉卒乘呼喧急招躍高岸柁折難迴旋同時百餘
舟失勢沒迴湍吾幸出險阻僉曰默以全逝將登坦途
鬼哭何煩寃褰裳涉泥濘百里無人煙僥倖異生死剛
在咫尺間我時正愁絕聞言淚潸然死者長已矣存者
奚爲恩決絕兩未知離情夢中紛浩浩東流水誰爲弔
旅魂

宛似白傳
新樂府

冬日營叔父墓有感

烈風從北來獵獵撼原樹一日三斬板衆工勤削屢叔
墓封已成魂歸渺何處回憶病革時氣咽不能語瞪目
接我手舉指畫以諭所諭夫何如六字淚交注曰祖母

國朝

金華詩錄

卷五十四

六

孀母弟妹交委付長跪請其餘迴眸已不寤祖母日西
山誰能保遲暮孀母啼向天辟標屢驚什藐孤正垂髫
叫爺日號諄哀哉我何害小年瀕大故銜恤與靡至傷
心蓼莪句羣從更復爾抱恨寸心忤幸茲卜牛眠聊以
慰泉路痛念先嚴慈淺土畏風露何當遇范公并遂萬

年厝

真機之至
發于至性

門柳

一柳植門前相依間桑竹春日披和風亦能作意綠苦
慕陶潛趣婆娑情所屬瞿瞿何人斯破籬竊攀斲橫出
不可扞枝葉一時禿顧茲忽淒涼長嗟空煩數呼兒密

隄防稍稍生態足乃歎非偶然物隨人榮辱

雨後偶吟

日暮山雨歇輕漚滿清池涼風一相蕩露重荷倒披下
觀魚出沒其樂已可知會心不必遠緬彼華林時

樓秀才上層

德彰近作頗近
王韋讀此信然

小兒種菜有作

秋風冷白露一望雲水微四鄰競刈稻我猶貰斗升山
妻慮盤餐進言近蜜獍既嫌拾滯穗徒自羨豐登賴可
種新菜聊足朝夕羨嘉蔬同珍羞名教無庸矜感此率
小兒荷鋤犁園町誰知我下種鄰原已青青

國朝

金華詩錄

卷五十四

七

雨後觀釣

雲歛山雨歇溪水汎新漲三五蓑笠翁垂釣綠楊傍科
頭踞巉石流盼入層浪日暮卷綸歸清風起漁唱感茲
獨纏繞寸心閒以曠樂哉誰當知此亦一濠上

化潭垂釣歌

朝羨化潭魚暮釣化潭月化潭之水澄且寒化潭之月
潔于雪清風拂拂林下來披襟當之脫塵埃波搖兩岸
天一色卷綸拂竿重徘徊嗟吾潦倒多隱憂濠梁之樂
輸莊周白魚如霜得兩頭歸須沽酒傾觥籌仰天夫笑
掉頭去美人千里空悠悠

七夕

涼月亘天河清光澹永夕牛女長相望此時轉脈脈

雜興錄一
首

林鳥飛且啼檐前日欲暮漫漫小雨收流雲擁邨樹

薰風飄綠蘋谿水汎淡碧榆陰斜日轉下有垂釣客

田家錄一
首

荻岸蕭蕭白露濃月明茆舍響寒蛩一檠燈火餘機軸

挈卻黃梁月下春

盧楓

楓字陞雲東陽人少負大志嘗謂人曰大丈夫

金華詩錄 卷五十四

八

當乘長風破巨浪能局趣效轅下駒乎讀書務

求根柢有所見輒手書存之以自考善詩古文

年二十卒有丹崖學草

丹崖兄檀爲作傳略云嫂氏徐烈女年七十貧不能自給謂余曰志

節如嫂氏而聽其饑餓外之論者謂我輩安在亟思所以周之其激于義往往如此卒後檢箚中得書一冊題曰丹崖管窺錄平日所得

于讀書者字亦端楷不苟留心古篆刻印章刀法蒼勁有古意

行行白雲頂

行行白雲頂俯矚紅蓼汀雙鳧浴洲渚一雁飛伶俜邨

樹翻落葉曠野煙冥冥朱華缺圓影秋蘭氣已馨一杯

聊共醉薄言采芳苓采采興不盡山風吹酒醒雙鳧浴洲渚一雁飛

伶俜十字幽絕丹崖喪妻神傷不久隨卒一語竟成詩識

曹山行

曹山之南何崎嶇百折千回山漸密悠然萬籟散清虛
叩之杳冥心凜冽龍宮虎穴晝如宵兩崖蒼蒼蔭古柏
威紆盡處略約橫一奩綠水清胸臆陡覺襟塵撲已盡
清風謾謾生兩腋林於萬箇搖空青石梯漸引花香襲
後山翠律前山危林陰處處沉雲黑隔澗遙聞犬吠聲
禪房十笏稱幽寂老松時作老龍吟靜鎖香煙凝黛色

螢火熒熒淡翠間半夜月明山鬼泣山石壁立山徑斷
千尺藤蘿繫棗栗仰看白鶴雲間來絕壑深沈俯無跡

原注曹山在桃峯南越三杯亭迤邐石折而上四面高山環拱萬歷間有僧浮海
來卓錫于此乙酉余與家人讀書其中山中清幽之况領略甚久作此紀勝

金華詩錄 卷五十四

九

詩中摹寫山境幽淡曲盡
其趣非久住者不能道

寄兄德聰

一別知何日新愁長舊愁水澄紅葉浦霜冷白蘋洲數
載春如夢千山雲似樓自憐明月夜獨坐故園秋

寒食後感懷寄友

短筵迎風聲倍哀懷人盡日倚高臺鶯鳴谷口穿新柳
雨汎春池長綠苔投筆每懷班氏志題橋空羨馬卿才
浮雲世事終何定獨對青山數舉杯

月夜登婺州城

高城千里月籠沙隔岸煙邨四五家一點寒燈醒客夢

百年世事作飛花，愁心總在青山外。
短筵空吹碧水涯，已識此身難溷俗。
醉看江柳帶風斜。

樓平江見訪卻寄

柴扉遠對峴山頭，盡日浮雲繫客愁。
路入蓬萊人不見，風摧蘆荻雁難留。
草堂細雨空階碧，茆屋孤螢夜景幽。
搔首可堪仙鶴杳，江南春徧綠楊洲。

卽事

九月西風冷遙看，山月明樹深樓閣隱。
獨聽擣衣聲。

秋日蚤行

露下天高四野空，征途繚繞卷淒風。
五更雞唱荒村月。

國朝

金華詩錄

卷五十四

十

萬樹蒼蒼煙水中

十月十五夜作

五月池塘不見波，從今秋去雨無多。
上天惟有團團月，偏自終宵照薜蘿。

周顯槐

顯槐字應三，東陽人。生而羸弱，篤意于古。雖病不廢學，口吃讀書，窘于章句，然至聲牙詰屈，人不能連貫者，反背誦如瀾翻，嘗夢隨宋歐陽子遊平山堂，自號六一侍者，作詩出入王韋諸家，性靈灑灑，迴絕恒徑。年二十三卒，惜未詣極，有

西庭小稿

應三從葉秀才蔡學詩少葉僅七歲事之甚謹詩筆亦絕相似既卒葉爲之作傳略云生嘗夢隨歐陽子遊平

山堂自號六一侍者壬辰作夢賦余見之勿釋生善病藥餌無虛日余恐其爲壬延壽也賦成讀之出有入無類莊生所謂栩栩蘧蘧者意乃釋然然閱一歲而生竟死矣死之前二十餘日夢一長鬚導之花叢中有六七少年迎出指生曰六一侍者來矣延入曲室酌生酒請誦所業每一篇竟輒稱善曰我輩中人也此間樂可勿歸生告余余以爲不祥未幾卒

山居

門徑枕山麓客來不知處
邱壑愜微尚澹然絕塵慮
時采藥行撥雲尋樵路

春日晚眺

出門偶延竹秀色莽圍繞
殘紅流澗花新綠解園篠
撫景意自深行吟頭屢掉
傾聽不知處煙外幾聲鳥

國朝

金華詩錄

卷五十四

十一

別友人

孰知非久別別恨已如此
尊酒戀餘歡談諧且聯臂
飛林間鳥淙淙澗中水
願珍歲寒心松栢有妙理

暮行

日落山風來涼意到毛髮
攬衣成獨往鳥外露微月
細路偶經行尙有人采蕨

訪友山莊

白雲翫墟落不知君住處
隔林問樵夫言從溪邊去
石徑風蕭蕭落葉紛無數
到門一粲然清尊此晤語

信步

信步澹塵慮林樾獨捫腹野鳥時一呼招我過山麓下有百尺泉鑿影鬢毛綠牧童三五輩放牛戲相浴偶然與談笑予懷忽根觸此中堪濯纓彼哉歌扣角去去勿復陳樵聲出幽谷

月夜聞水聲作短歌

泠泠澗水來何方流行坎止低復昂聲來疑徵疑清商如樂之作紛鏗鏘上有喬松千尺長松間月上天倉浪流光入戶輝半牀牀前皓皓白如霜淙淙到耳隨風揚參橫斗轉意未央

書張南軒諸葛武侯傳後

國朝

金華詩錄

卷五十四

三

馬班以後論良史陳壽亦足相頡頏轉喉忌觸司馬諱獨于侯傳多未詳南軒先生起綿竹網羅散佚重表章中刪自許管樂語要令疵類除毫芒傳成持示子朱子謂刪此語殊未當申韓六韜手曾寫便欲一概而相量余謂疑事貴無質以不解解夫何傷况侯學術本純正豈獨出處如阿衡出師二表見忠悃戒子數語垂義方開誠布公前史語不以父故含雌黃傳其可疑略可信母乃入奧遺堂皇自許管樂偶然耳存耶刪耶兩不妨孔子于古歎未有猥將作述比老彭從來德盛心愈下卑以自牧其道光不見阿瞞晚漢鼎當時翻擬周文王

稽古稽古不徒爲進取鄙哉桓春卿陳車馬勉諸生
姑惡姑惡姑不惡妯娌詈余姑怒作欲姑喜事妯娌
人傳鳳凰名不見鳳凰形鳳凰之形傳大略那知鳳凰
是山爵鳳凰名存實相左如此鳳凰不如我

得過且過何須悲轆轤樂過悲生可奈何向前一步皆
風波

喜燕來

燕子知時節雙飛入我家誰隣來處所相隔在天涯對
語當檐細隨風出幕斜巢成春晝永掠徧滿林花

國朝

金華詩錄

卷五十四

三

晚秋詠懷

秋色無今古條然足浩歌此中清興滿那識世情多把
酒澆殘菊吟詩惜敗荷老松高百尺歲暮問如何

初夏雨中書興

與君一尊酒閒坐愜余心微雨灑然至蕭蕭風滿林興
來無近遠地僻自幽深醉起酬新竹幾重成綠陰

九日登高懷迪功二兄

故園登望首頻搔槭槭霜林萬竅吟烏帽當風蹲石磴
青天決皆見秋毫雲山北去蟬聲斷信使南來雁影高
借問燕昭臺上客幾人載酒共題糕

山齋

幽齋寂寂道心清
門巷苔肥絕送迎
蒼耳有時迷客住
綠醞終日對山傾
縮將地脈書扶寸
時讀山海經
占斷天光水
滿渚好是瓶花香
漏洩雙雙蛺蝶撲簾旌

偶作

竹喧冷風吹重露
滴清響坐久起攬衣
依依山月上

擬王維答裴迪

漠漠寒風起迢迢秋色晚
來往終南山雲飛我心遠

擬李白清溪半夜聞笛

此夜聞羌篴聲聲催斷腸
曲中秋月滿人在水雲鄉

國朝

金華詩錄

卷五十四

十四

初春曉望

谷口迎春黃鳥啼
山嵐動盪罽林低
東風細細來蘋末
落盡梅花柳未齊

登玉山最高頂

萬里清秋高更濶
寂憐晴日起光暉
家山勝處間登眺
半壁東南墨點微
俗學無本通才難得論金華詩學于近日如王家寶之古厚胡廷梅之雅飭盧楓之幽倩周顯槐之淡遠皆屬妙才以接古人庶有端緒竟至天折錄詩附後爲之三歎

釋振濟

振濟字古衲東陽僧有戒行喜吟有靈谿散錄

五言雜曲

錄四首

蟬噪綠于顛，蛻蛻笑于地。謂彼空好音，且無轉丸技。
看山無遠近，咸足生佳賞。白雲得我心，卻來同俯仰。
行行綠水濱，俯看水中鱗。纖鱗未及見，第見蒼顏人。
客子作春遊，駕言訪布衲。踏破莓苔痕，痕破未易合。

釋宗音

宗音字谷云東陽僧有松關詩草

上光松關詩草序略云一吟一詠在

本色衲子謂之雜作聲聞律之所戒也。自曼殊大士寓蹟寒巖，聞言長語，筆端揮灑，徧滿天台。禪家者流，乃有繼此而爲之者。如未明、明教、石門、中峯、大湖、楚石、皆其人也。谷云三十餘年以大事行腳，貼碑誦讀，未嘗專攻。由參尋證入之後，涵泳性情，遊戲翰墨，七言五字皆清淨心中所現之放光三昧。與詩人比興無心摹擬，暗合圓機。

懷友

國朝

金華詩錄

卷五十四

五

倚杖松林下，悠然懷遠人。今春花又發，不減去年春。

答映公

孤危懸徑讓公登，別有峯頭到未曾。一語遙投淡記取。

手中拄杖是烏藤。

手中拄杖是烏藤語可當棒喝

過爐峯懷肅空參友

衲衣輕拽過爐峯，水色山光映幾重。翻憶昔年來到此，故人攜手話橋東。

古洞夜燈

一點清光透嶺腰，何人淡坐此青霄。定知仙子遙棋局。

採得松肪徹夜燒。

棋局輸贏松肪照夜此中語有禪機

釋普映 五十四

普映字曙暉東陽僧

山行歸對月偶得

浮蹤自許片雲同七尺烏藤掌握中挑得倚天千嶂瀑

歸來獨坐煮松風

此云七尺烏藤掌握中谷云答云手中拄杖是烏藤語有機鋒

虞氏

氏浦江人虞邦珪女嫁東陽李俊培

始見

強意飾閨粧今朝乍見郎含羞無一語卻立鏡臺傍

惜別

國朝

金華詩錄 卷五十四

六

淹淹奉酒卮心緒亂如絲不道別離苦還思相見時

10807

金華詩錄卷五十四

